

22 FEBRUARI 2018

## Cegah dadah di kalangan pelajar

ASTRAF MUHAMMAD

KLANG - Jabatan Pendidikan Selangor dengan kerjasama Agensi Anti Dadah Kebangsaan (AADK) dan Persatuan Mencegah Dadah (Pemadam) Kebangsaan melancarkan Hari Anti dadah Peringkat Negeri Selangor 2018 bertempat di Dewan P utera SMK Tinggi Klang pada 1 Februari lalu.

Penolong Pengarah Unit Program Pendidikan Pencegahan Dadah, Jabatan Pendidikan Negeri Selangor, Ghazali Anuar berkata, pelancaran inisiatif ini dapat membangkitkan semangat pihak sekolah untuk membantu AADK serta badan bukan kerajaan (NGO) dalam memberi pendidikan pencegahan dadah kepada pelajar menerusi guru-guru di seluruh Selangor.

"Usaha ini juga adalah sejajar dengan matlamat bagi merealisasikan visi 'Sekolah Bebas Dadah' tercapai," katanya.

Dengan pelancaran program ini, Ghazali berkata, ia secara tidak langsung selari dengan hasrat AADK bagi memerangi dadah habis-habisan khususnya di kalangan pelajar sekolah.

"Kita mengucapkan terima kasih tidak terhingga kepada tuan rumah iaitu SMK Tinggi Klang di bawah bimbingan pengetuanya, Raja Rozita Raja Hanafi atas kejayaan melaksanakan program ini dengan jayanya," katanya.

Dalam pada itu, majlis pelancaran tersebut telah dirasmikan oleh Pengarah Agensi Anti Dadah Kebangsaan (AADK) Selangor, Md Razif Wan.

Turut hadir Pengerusi Biro Latihan dan Pendidikan Pemadam Selangor, Datuk Kaswuri Keman; Ketua Penolong Pengarah Unit Pembangunan Kemanusiaan, Khairul Anuar Awang dan wakil pegawai PPD Klang, Zuhairi Auzai.



Md Razif (duduk, empat kanan) bergambar bersama guru-guru dan tetamu kehormat

# Cegah dadah di kalangan pelajar

Bangkit semangat pihak sekolah bantu banteras dadah



Wakil pelajar menyerahkan risalah kepada Md Razif.



Para pelajar bersedia membuat persembahan bagi menyambut kehadiran tetamu kehormat.



Md Razif (tiga, kiri) melancarkan Kempen Sekolah Bebas Dadah.



Para pelajar kelihatan ceria sewaktu mengikuti program terbabit.



Para pelajar merakamkan gambar kenangan bersama tetamu yang hadir.